

# IGI UNITED NATIONS CONVENTION ON THE RIGHTS OF THE CHILD GAA-ININDWAA



Gakina awiya jibwaa 18 apiitiziwaad owe izhi gashki'ewiziwig. Onjida ji-ayaayan ini gashki'ewiziwinan ji-maanzhisesiwan ji-mino-giizhigiyamban. Gigii-giginitaawig ono gashki'ewiziwinan, gaan awiya gaye gidaa-odaapinamaagosii.

Gichi-aya'aag gaye ji-naagaji'aawaad oshkaadizii' aaniin ji-izhi-mino-ayaanidiban. Eni-gikendaman gigashki'ewiziwinan bakaan gaye awiyag, giga-wiiji'igonan aaniin ji-izhichigeyamban gibimaadiziwining.

- 1 Gakina jibwaa 18 apiitizid gashki'ewiziwig.
- 2 Gigashki'ewiz gaawiin ji-aanawenimigoowin aweneniwiyan.  
Gichi-ayaag ji-miinikwaa aaniin ji-izhi-naniizaani'igoosiwan gegoon onji.
- 4 Gichi-ogimaawin ji-izhichigewaad ji-wanitoosiwan gigashki'ewiziwinan.
- 5 Enawamadwaa ji-gikino'amaagookwaa gigashki'ewiziwinan, wiiji'ikwaa gaye ji-ayaayan.
- 6 Gigashki'ewiz gaawiin eta ji-bimaadiziyan, ji-mamino-ayaayan!
- 7 Gigashki'ewiz ji-wiinzowin, ji-ondakaaneziyan wendakaaneziyan.
- 8 Gigashki'ewiz ji-aawiwin – ozhibii'igaadeg aweneniwiwin.
- 9 Gigashki'ewiz ji-ganoonadwaa giniigi'igoog, giishin goda naniizaani'igosiwan.
- 10 Giishpin bakaan akiing ayaayan apiich giniigi'igoog, onjida gidaa-nagishkawaag ji-waabamadwaa.
- 11 Gichi-ogimaawin gaawiin ji-bagidinaasigwaa giimooch abinoojiyag bakaan akiing ji-izhiwinindwaa.
- 12 Gigashki'ewiz gegoo gegoon ji-ikidowan gegoo onendaman, noondawikwaa gichi-ayaag.
- 13 Gigashki'ewiz ji-anda-gikendaman gegoo, giishpin goda maanidoodawaasiwindwaa awiyag.
- 14 Gigashki'ewiz bigo gegoo ji-debwetaman, giishin goda naniizaanaasiwad awiya.
- 15 Gigashki'ewiz ji-ikidowan enendaman, gaawiin ji-nishiwaanaajichigesiwan miigaadaman owe.
- 16 Gigashki'ewiz ji-gikendaagosinog ayendiwan.
- 17 Gigashki'ewiz ji-ondanaman wiindamaagewin onji gaa-ondinamang gekendamang gegoon.
- 18 Oniigi'igomaa ezhi-niizhiwaad ji-ombigi'aawaad abinoojiya', gichi-ogimaawin gaye ji-wiiji'aawaapan owe izhichigenid.
- 19 Gigashki'ewiz ji-gagwaadagi'igoosiwan, ji-nishike-ayaasiwan, ji-maanidoodaagosiwan bigo izhi.
- 20 Giishpin bakaan dazhi-ombigi'igoowan, gigashki'ewiz ji-izhi-ombigi'igoowan aaniin ezhitwaawan.
- 21 Gigashki'ewiz gwayak ji-naagaji'igoowan ningoji gii-izhi-ombigi'igoowan.
- 22 Abinoojiyag bakaan akiing bi-onjiiwaad, gewiinawaa mii bezhigon ji-izhi-ombigiwindwaa daabishkoo omaa gaa-dazhi-nitaawigiwaad.
- 23 Giishpin gegoo izhi maakiziyan, onjida ji-bimenimigoowan, ji-dagwiian gaye gaa-izhi-daawan.
- 24 Gigashki'ewiz gimino-ayaawin ji-bimenjigaadeg ji-ayaayan ningoji naniizaanisinog, biinaaboo ji-minonjigewan ji-dediba'igaadeg.
- 25 Giishin ningoji ganawenimigoowan, onjida ji-waabamad awe gaa-nitaa-wiiji'ig.
- 26 Abinoojiyag ji-bimenimindwaaban gashki'ewiziwig ji-wiiji'igoowaad gichi-ogimaawin.
- 27 Gigashki'ewiz ji-wiisiniyan, ji-biizikoneyan, ji-ayaayan gaye gwayak ji-naagaji'igooyamban.
- 28 Gigashki'ewiz gegiin bezhigon ji-izhi-gikino'maagoowan daabishkoo gakina abinoojiyag omaa eyaawaad Canada akiing.
- 29 Ge-gikino'amaagoowan ji-wiiji'igoowan ezhi-gashki'ewiziwan, aweneniwiyan, aawiwan, enweyan getendaman gaye.
- 30 Anishinaabe abinoojiyag gashki'ewiziwig ji-anishinaabemowaad, ji-gikendamowaad gaye ezhitwaawaad.
- 31 Gigashki'ewiz ji-odaminowan, ji-aateshinan ji-minwendaman gibimaadiziwin.
- 32 Gigashki'ewiz ji-naniizaani'igoosiwan endananokiwan gemaa ji-maanisesinog gimino-ayaawin, gekino'amaagoowan gaye.
- 33 Gichi-ogimaawin ji-naagaji'ig naniizaanakin mashkikiin anoojigo gaa-izhi-aabadain.
- 34 Gichi-ogimaawin ji-onji-naagaji'aawaad abinoojiya' ji-nishibaapaasiwindwaa. Gegoo gego ikidoken. Wiindamaw gebizindaag gichi-ayaa ji-wiiji'ig.
- 35 Gichi-ogimaawin ji-naagaji'aawaad aboonjiya' ji-adaawaanaasiwindwaaban.
- 36 Ji-naagajiwindwaa abinoojiyag gwayak ji-ani-izhi-ombigiwindwaa minik ji-giizhigiwaad.
- 37 Abinoojiyag onashowewining eyaawaad gwayak ji-doodawindwaa ji-waabamaawaad enawaamaawaad, ezhitwaawaad gaye.
- 38 Gaawiin ji-izhinizhawigoowan miigaading.
- 39 Gigashki'ewiz ji-wiiji'igoowan giishin nishibaapini'igoowan, webinigoowan gemaa maanidoodaagoowan.
- 40 Gigashki'ewiz ji-wiiji'igoowan onashowewining aaniin gaye endoodaagoowan.
- 41 Giishin ayaamagasinogin onashowewinan omaa Canada apiich wiin abinoojiwi-onashowewin imaa onji UN Right of the Child enigaadeg, Canada onashowewin ji-naagaji'igoowan.
- 42 Gichi-ogimaawin ji-gikendamonaawaad gaa-ombigi'aawasonid ogashki'ewizini.



**Manitoba Advocate**  
STAND UP for children & youth

Advocacy anokiiwin: 346 Portage Ave.  
Unit 100, Winnipeg, MB, R3C 0C3  
Gwayak: (204) 988-7440  
Deba'igesing: 1-800-263-7146

[ManitobaAdvocate.ca](http://ManitobaAdvocate.ca)

@MB\_Advocate

/ManitobaAdvocate

/ManitobaAdvocate

/ManitobaAdvocate